



**SOALAN PRAKTIS BESTARI  
PROJEK JAWAB UNTUK JAYA (JUJ) 2019**

**SIJIL PELAJARAN MALAYSIA****3766/2****PERNIAGAAN****Kertas 2 / Set 2**

2 Jam 15 Minit

Dua jam lima belas minit

---

**JANGAN BUKA KERTAS SOALAN INI SEHINGGA DIBERITAHU**

1. Kertas soalan ini mengandungi 3 bahagian: **Bahagian A, Bahagian B dan Bahagian C**
2. Jawab **lima** soalan daripada **Bahagian A**, **dua** soalan daripada **Bahagian B** dan satu soalan wajib di **Bahagian C**.
3. Jawapan hendaklah ditulis dalam kertas yang disediakan.
4. Markah yang diperuntukkan bagi setiap soalan atau ceraian soalan ditunjukkan dalam kurungan.
5. Penggunaan kalkulator yang tidak boleh diprogramkan dibenarkan.

---

Kertas soalan ini mengandungi 9 halaman bercetak

**BAHAGIAN A**

[ 50 markah ]

*Jawab lima soalan sahaja.*

- 1 Gambar 1 berikut menunjukkan sejenis pemilikan perniagaan.



Gambar 1

- (a) Jelaskan ciri - ciri pemilikan perniagaan di atas. [ 3 markah ]
- (b) Huraikan tujuan perniagaan tersebut dijalankan. [ 3 markah ]
- (c) Jelaskan Perniagaan Liabiliti Terhad (PLT). [ 4 markah ]
- 2 (a) Jelaskan prinsip koperasi yang perlu dipatuhi dalam perniagaan. [ 2 markah ]


- (b) Maklumat berikut berkaitan dengan cabaran perniagaan mengikut klasifikasi berdasarkan saiz.

Syarikat Qistina mempunyai jumlah jualan tahunan melebihi RM50 juta dan bilangan pekerja tetap melebihi 200 orang. Sejak akhir ini perniagaan Syarikat Qistina telah mengalami masalah untuk meluaskan pasaran di dalam dan luar negara. Ini kerana produknya tidak mematuhi standard piawaian beberapa buah negara dan ada juga yang sedang mengalami ketidakstabilan politik. Beliau berasa rungsing dengan keadaan sedemikian kerana telah menjejaskan prestasi syarikatnya.

Terangkan cabaran yang terdapat dalam situasi perniagaan tersebut. [4 markah ]


- (c) Jelaskan jenis-jenis pelepasan cukai berikut:
- (i) Taraf Perintis [ 2 markah ]
- (ii) Elaun Cukai Pelaburan [ 2 markah ]

- 3 Rajah 1 menunjukkan jenis kos dalam aktiviti perniagaan.



Rajah 1

- (a) Huraikan **X**. [ 3 markah ]
- (b) Rajah 2 di bawah menunjukkan saluran agihan yang diguna pakai oleh Syarikat Umar Khalif untuk mengagihkan beras jenama UK.



Rajah 2

Mengapakah saluran agihan tersebut penting kepada Syarikat Umar Khalif?

[ 3 markah ]


- (c) Terangkan tujuan penggunaan teknologi maklumat dalam sesebuah organisasi perniagaan?

[ 4 markah ]

- 4 Maklumat berikut berkaitan dengan kemahiran kebolehkeraan pekerja.

Yusuf baru sahaja menamatkan pengajian dalam bidang Diploma Kejuruteraan Elektrik dan kini sedang mencari pekerjaan yang sesuai dengan kelulusannya. Selain mempunyai kelulusan akademik Yusuf juga mahir dalam bidang komunikasi dan perisian komputer. Hal ini kerana beliau pernah bekerja dengan syarikat swasta secara separuh masa semasa belajar.

- (a) Jelaskan kemahiran kebolehkeraan yang ada pada Yusuf untuk mendapatkan pekerjaan?  
[ 4 markah ]
- (b) Rajah 3 menunjukkan struktur organisasi di pejabat pos.



Rajah 3

Jelaskan struktur organisasi tersebut. [ 3 markah ]

- (c) Mengapakah pengurusan sesebuah kilang dan mesin penting dalam perniagaan?  
[ 3 markah ]

5 Maklumat berikut berkaitan dengan satu jenis pembiayaan.

Batrisya mengambil keputusan memulakan perniagaan jahitan baju pengantin secara kecil-kecilan. Beliau memerlukan modal tetapi tidak bercadang untuk membuat pinjaman daripada agensi kerajaan ataupun bank.

- (a) Apakah jenis sumber pembiayaan yang sesuai dipilih oleh Batrisya?  
Kemukakan alasan. [ 4 markah ]
- (b) Jelaskan kekuatan sumber pembiayaan di 5(a) [ 3 markah ]
- (c) Jelaskan kelebihan overdraf dalam membantu peniaga meluaskan perniagaan? [ 3 markah ]
- 6 (a) Nyatakan dokumen perniagaan yang perlu disimpan dengan lengkap dalam sesebuah perniagaan? [ 4 markah ]
- (c) Jelaskan maksud rancangan perniagaan? [ 2 markah ]
- (d) Jelaskan kepentingan menyediakan rancangan perniagaan dalam sesebuah perniagaan yang dipilih? [ 4 markah ]

**BAHAGIAN B**

[ 30 markah ]

*Jawab mana-mana dua soalan daripada bahagian ini.*

- 7 (a) Maklumat berikut berkaitan dengan analisis faktor yang membawa perubahan kepada persekitaran perniagaan.

Faktor dalaman adalah faktor yang boleh memberi kekuatan dan kelemahan kepada sesebuah syarikat.

Terangkan faktor yang membawa perubahan tersebut?

[ 8 markah ]

- (b) Jelaskan langkah-langkah pembangunan produk baharu berikut.

(i) Penjanaan idea

[ 3 markah ]

(ii) Komersialisasi

[ 4 markah ]

- 8 (a) Maklumat berikut berkaitan dengan aktiviti perniagaan Puan Julia.

Puan Julia ialah pemilik kilang minuman di Rompin, Pahang. Setelah beberapa tahun beroperasi, air minuman yang dihasilkan dikenali pasti mengandungi bahan pengawet yang membahayakan pengguna serta perniagaan syarikat tidak didaftarkan. Selain itu, penduduk tempatan telah membuat pelbagai aduan kepada pihak Majlis Berkuasa Tempatan terutamanya bau yang tidak menyenangkan hasil pembuangan sisa minuman. Puan Julia menafikan semua tuduhan itu.

Pada pendapat anda, jelaskan aspek undang-undang yang perlu dipatuhi oleh Puan Julia.

[ 7 markah ]

- (b) Maklumat berikut menunjukkan beberapa akta di Malaysia.

- Akta Kontrak 1950
- Akta Pesaingan 2010
- Akta Hak Cipta 1987

Jelaskan kesan kepada perniagaan atas pengubalan undang-undang tersebut.

[ 8 markah ]

- 9 (a) Jelaskan persediaan untuk menjalankan aktiviti pemasaran dan jualan bagi produk kecantikan. [ 6 markah ]
- (b) Dialog berikut merupakan perbualan antara Firas dan Irfan pelajar universiti semester akhir.

Firas : Saya akan bekerja di syarikat ayah saya selepas tamat pengajian nanti. Awak bagaimana Irfan?

Irfan : Saya jenis yang suka kebebasan. Jadi saya bercadang untuk memulakan perniagaan sebagai satu kerjaya.

Jelaskan kelebihan cadangan tersebut kepada Irfan.

[ 9 markah ]



**Bahagian C**


[20 markah]

Soalan ini **wajib** dijawab

- 10 Sos D'SukaSokmo bukan sebarang sos. Ia juga bukan sos untuk perapan, sebaliknya sos ekspres yang hanya mengambil jalan singkat dan mudah disediakan. Berkonsepkan 'buka, tuang dan hidang' ternyata sos ilham Puan Rosni menepati selera dan cita rasa masyarakat tempatan. Perniagaan Semalu Jaya menggunakan 'tagline' itu kerana ia tepat menggambarkan mudahnya menikmati makanan pada waktu yang sangat terhad. Berbekalkan modal RM50 000 beliau memulakan Perniagaan Semalu Jaya di bengkelnya di Kampung Geliga, Maran, Pahang sejak tahun 2016.

Produknya ternyata menjadi pilihan tepat selepas menerima sambutan menggalakkan pada karnival, pameran dan jualan di peringkat negeri yang diadakan di Temerloh, Pahang baru-baru ini. Beliau bercadang untuk memasarkan produk sosnya bagi pasaran kebangsaan. Namun begitu hasratnya terpaksa ditangguhkan kerana menghadapi masalah mendapatkan sumber pembiayaan. Ini kerana permohonan beliau ditolak oleh pihak bank atas sebab-sebab tertentu.

Graf di bawah berkaitan analisis operasi kewangan menggunakan Titik Pulang Modal (TPM) yang diambil daripada Perniagaan Semalu Jaya bagi tahun 2017 yang menetapkan pengeluaran setiap bulan sebanyak 10 000 unit. Pengeluaran sos sebulan bermula September tidak menentu disebabkan beberapa peralatan tidak diselenggara dengan betul. Dianggarkan pada bulan Disember kos tetap bernilai RM 33 000 dan kos berubah seunit ialah RM 3.50. Harga jualan seunit sos masih dikekalkan pada harga RM 6.50.





Selaku pengusaha, Puan Rosni menggunakan 'facebook' sebagai cara memasarkan produk dengan lebih cepat selain melantik stokis dan ejen di seluruh negara termasuk Sabah dan Sarawak serta negara ASEAN seperti Brunei dan Singapura.. Selain itu produknya juga dipasarkan di Agro Bazaar, Pasaraya Darul Makmur dan Agro Mart sekitar Pahang. Perniagaan Semalu Jaya sentiasa menyertai pelbagai pameran dan jualan Perusahaan Kecil dan Sederhana (PKS). Baru-baru ini pegawai dari Majlis Amanah Rakyat (MARA) telah turun ke bengkelnya untuk melihat perkembangan perniagaannya serta memberi nasihat dan bimbingan untuk memajukan perusahaan kecil dan sederhana ini.

Berdasarkan kes di atas, jawab soalan-soalan berikut:

- (a) Jelaskan skala Perniagaan Semalu Jaya tersebut. [ 3 markah ]
- (b) Mengapakah permohonan Perniagaan Semalu Jaya untuk mendapatkan sumber pembiayaan ditolak? [ 3 markah ]
- (c) Jelaskan tujuan penyelenggaraan peralatan perlu dilakukan mengikut masa? [ 4 markah ]
- (d) (i) Hitung unit pengeluaran sos untuk bulan Disember. [ 2 markah ]  
(ii) Jelaskan kesan kepada Perniagaan Semalu Jaya sekiranya pengeluaran sos di d(i) diperolehi. [ 3 markah ]
- (e) Kenal pasti saluran agihan yang sesuai untuk memasarkan produk Perniagaan Semalu Jaya. Kemukakan alasan. [ 5 markah ]

### KERTAS SOALAN TAMAT